

КРИТИКАТЬ И САМОКРИТИКАТЬ ВЕЛЬДЕ МАШФТОМС АФСАТЫКСНЕНЬ

Аф кунара аделавсь ВЛКСМ-нь обкомть пленумоц. Саранскяй ошень комсомольскяй активсь обкомонь пленумонь члентнень марта кеместа критиковандазь обкомонь бюроть работанц.

Активонь пуромксса и пленумса лифтфть тяфтама фактт, што обкомонь бюронь члентне ульсть сязьфт комсомольскяй массатнень эзда, бюрось соньць люпшнезе критикать и йофси ашель самокритика. Бюроть составса ульсь семейственность. Тянкаса обкомонь пленумсь кемокстазе бюроть путфиксонц зав. ОРКО-ть Борисовть и пионеротделонь заведующайть Венедиктовть работаста валхтомаснов колга. Сяда башка пленумсь валхтозе работаста тонафниень отделонь заведующайть Симдяшкитть, конац руководил бюрократический методса.

Нят решениатне марнек видет. Комсомолть работаста эряви юрнек машфтомс бюрократизмать, ювадькшнемать и гостролерствать. Тяни пцтай сембе районтнень эзга йотнихть комсомольскяй активонь пуромкст райкомонь пленумт. Нят пуромксень и пленумтнень эса эрь комсомолецти, эрь активистти эряви лездомс лифттемс комсомолонь райкомтнень, первичнай организациятнень работань афсатыксон. Комсомолонь лама райком грубайста люпшвезь критикать и самокритикать, кирьфнезь комсомолецнень праваснон.

Саранскяень горкомсь 14 ков изь йотафне пленум, а сяс горкомсь 14 ков ашезь тиньде отчет комсомолецнень инголе эсь работанц колга. Мезьс тя вьезень Саранскяень горкомонь бюронь члентнень и работникнень? Критикать аф улемац макссь возможность горкомонь работникненьди Локтаевти и Дьяковти гостролировать, администрировать. Именно сяс горкомонь ингольден секретарсь Киселевсь и Локтаевсь мезевок исть тиньде пропагандистненьди лездомаса.

Кодама цебарь тяза уль работниксь, кда сонь аф критиковандамс, сон коли-калады, сон ашкодови бюрократический кедь потмос и сязеви од ломанень массатнень эзда.

Яркай примеркс сянди, кода

критикафтома руководителхне сязеньдевихть массатнень эзда аши Шайговань комсомолонь райкомсь (секретарсь Фенин). Шайговань комсомолонь райкомста работникне апрельть 6-це шистонза кучсть отношение Ахлеень поселкань комсоргти Дуденков ялгати, штоба сон саль райкому. Дуденковсь жа нингя 1936 кизонь сьоксенда тусь Якстерь Армьяв и сяда меле тя поселкаста сембе комсомолецне тусть работама.

Тяфтама случайхне аф сямост. Синь ули кода мумс нингя кой-кодама организацияста. Кда комсомолонь райкомть работац улель сяда сиденияста проверяф, критиковандаф и сят, конат афольхть йора петемс работать, синь кунара ни улельхть валффт работаста.

Эряви аф пелезь кепедемс большевистский критикать и самокритикать. Аф эряви пелемс сян эзда, што критиковандамакся каяжияфцак эсь лангозт тя али тона комсомольскяй руководителть али ялгацень. Мекелангт. Критикать эса минь лездатама комсомольскяй руководителхнеконди курокона одукс тиенс работать. Критиковандамать эса цебарьда башка коммунистический воспитаннянь тевти мезевок аф ули. Аф эряви ужелдемс райкомонь секретарень али лия комсомольскяй работниконь мундирть. Критиковандамаса комсомольскяй руководителень мундирть аф ваденцак, а эсь пингоня лездат работникть ошибкавзон петемаснонды.

Эряви вьатемс большевистский непримиримай тюрема нят комсомолецнень каршес, конат всякая лаца йорайхть подхалимничать эсь комсомольскяй руководителхнонды. Саранскяень горкомонь пленумса рабфаконь комсомольскяй комитетонь секретарсь Зубков ялгась эсь выступлениясонза пельсь азомс горкомонь секретарть Киселевть и лядыкс работникнень афсатыкснон. И кодама убогайста арась Зубковть тя подхалимский речец.

Партиять и комсомолть работаса подхалимствась, «ужальдемась» вреднай. Сонь каршезонза эряви азомс решительнай тюрема.



Саранскяй консервной комбинатть ули соньценъ афоцю библиотекац, конац обслуживает эсь рабочаензон и синь идьснон. Библиотекаць ули художественнай литературац—274 книгат, научно-технический книгада—105, политическийда—194 книгат.

Снимкаса: Библиотекань заведующайсь Лидия Ипполитовна Говаженко ялгась кочкай книгат рабочаень идьтненьди (кержи ширьде види шири): Гриша Ежовти, Леша Лимоновти, Леша Малининти, Валя Юрисовти.

Фотось Веретенниковть.

СОДАМС СТАЛИНСКИЙ КОНСТИТУЦИЯТЬ

Малавонь средняя школаса (Рыб-кинань район) Конституциять тонафнемас йотафиеви оцю афсатыкс марта. Ученикне занятияса руководителницаи Анискина ялгати аф максихть кодамовок кизефкст, занятияне йотсихть скучнайста. Сидеста эряй стаян, што ученикне Анискина кизефксонзонды йотаф материалть коряс аф

максихть кодамовок ответт. Тяфта эряй 9-це класса, тяфта аф от-вечакшнихть кизефксненьди Тороповсь, Трисенкинць и лиятне. Аф кальдявста йотафиевихть занятияне Конституциять тонафнемаса 10-це и 8-це класснень эса. Тяса максевихть кизефкст, эряхть нюрхкяне выступлениат и ст. тов.

Е. А.

РАДОСТНАИ КОНСТИТУЦИЯ

Апрель ковть 9-це шистонза мон морафтыне эсь Конституцияньконь, Мордовский Автономнай Советский Социалистический Республикать Основной Закононц проектонц.

Радостна и пара седиезт: куток кармай улема миньценъ, Мокшэрзятнень Конституциянькя. А вдь революцияда инголе нльня ашель кода кортамс Конституциянь колга. Эста мокшэрзянь народть мезькска ашезь лувонда. Мокшэрзянь народсь эрясь пняк люпштафста. Синь ашезь тонафне сьормас и ашезь лувонда ломанькска.

Конституциять проектонц 87-це статьясонза азф:

„Мордовский АССР-нь гражд-даннень улихть правасна тонафнемс.

Тя правась обеспечендаки-неви сембенди обязательнай начальнай образованиять марта, питненъ апак пандт тонафнемаса, коза суварфиеви высшай образованияськя, высшай школаса тонафнихнень сембеда оцюшкаснонды госу-дарственной стипендиянь максомаса, школатнень эса

родной кяльса тонафнемаса, заводга, совхозга, машино-тракторнай станциява и колхозга трудящихнень, питненъ апак пандт, производствен-най, технический и агрономический тевс тонафнемаса“.

Тяста няеви, што партиясь и советский правительствась шарфнихть пняк оцю мяль мокшэрзянь народть культурностенц кепедманцты. Мон ламоксть арьсекшнень, што оцю азоронь пингть эзда мон мзярдонга афолень ара сьормас содайкс. А тяни мон кафта ковда меле аделаса Мокшэрзянь Педучилищатъ.

Педучилищатъ аделамда меле монць карман тонафнемост мокшэрзянь идьтнень, кода тонафнемась монь Марксонь, Энгельсонь, Ленинонь и Сталинонь ученияснон коряс.

Астама оцю спасибо павазу эряфть максомода советский властью, партияти и кельгема Сталин ялгати.

Самошкин.

Мокшэрзянь Педучилища.

„КОМСОМОЛ“ И „СМИДОВИЧ“ ПАРХОДТНЕНЬ КОМАНДАСНОН СУДЬБАСНА

Иностраннай Тевонь Народнай Комиссариатть просьбанц коряс итальянский правительствась Франкоть ширеса эсь дипломатический представителенц вельде тись справка „Комсомол“ и „Смидович“ советский судатнень командаснон судьбаснон колга.

Тяни Москвась итальянский посолсь г-н Россось паффтсь куля

Народнай Комиссариати Литвинов ялгати сян колга, што азф судатнень командасна интернированнайхть испанский мятежникнень марта заняф территориять лангса, и што „Смидович“ пароходсь ащи фкя портса, кона заняф испанский мятежникнень марта.

(„Известия“ газетаста).

СБОРМА РЕДАКЦИЯВ

РАБФАКСА ЛЮПШНЕСАЗЬ КРИТИКАТЬ И САМОКРИТИКАТЬ

История преподавания в школе — это политический процесс. Педагогическая работа — это искусство. История основана на мировом пролетариате. Вождь — Маркс — Энгельс — Ленин — Сталин — трудящийся.

Минь Мокшэрзянь рабфакса 3-це курсонь студентне тонафнесахь СССР-нь народтне историйсон. Но кода минь сон тонафнесахь и кода тонафнесамаз, вон тьян колга и ушедтама кортама.

1936 кизоня преподавательский состав включили од преподавательница Наумова Дарья Григорьевна, кода и кармась преподавать СССР-нь народтне историйсон. Сормадозь Наумоват преподавательский спискати, максет теенза работа, савозь учет парткомса и тьян сембень лангс успокоились.

Дирекция и учебная часть кармась содама, што сине педколлективна сатомшка, но юкстазь главнайть, юкстазь сине, а кодама преподавательхне качественнай составна.

И сяс аф случайна, што рабфакса кой-кона преподавательхне тиендихть аф кирдемшка безобразият.

Ушедтама кортама преподавательница Наумоват колга. Сон сувай классу и ушеды азонкш нема эпизодт эсь семейнай эряф-стонза. Наумоват куркста урок йоткова кулят кортамат и пинень и пине лефсонь колга, конатнен сон аф кельгине. Наумовась азондсы и сине студентнеди, кода мирденц марта якасть Москву, мезе нийсть и мзяра ярмак йотафтсть. Азонды и идензон колганга, конат теенза глупай кизефксть максихть, азонды и сине-гя кодама семейнай кизефкст сон интересовандасазь. Тяфтама вступления меле Наумовась лихтсы общей тетраденц и ушедкшн сонь эздонга моралтома, тиеме „лекция“. „Лекцияне“ тиендевихть коськста, аш кодамовок соткс башка тематнен йоткса. Минь Наумоват кортамастонза мезевон аф шарькодьяма, сонь уроконзон йоткста минь сай удоманека.

Наумовась шоворасыне мужской родть женский марта. Он-ть васте мярги ОНА, и меклангт.

Наумовась марямок сине, што сон теенза преподавание марта ашихть пик калдывста и сон нильне мяргсь студентнеди: „Я уж боюсь, ребята, как бы не попасть в плохое положение“.

Мзярда Наумовась кизефни тья али тона темат коряс, то студентне кода ба афольхть эльбядкшне, кода ба афоль корта, а Наумовась мяргь прокс „хорошо“. Кепетксонди, мартть 20-це шистонза сон кизефни: „Ну К. азк кода Ленин оценивал Герценонь? К. студентсь „Е“ группаста отвечась: „Ну... Ленин Герценонь оценивал, кода возбужденнай декабристне марта“.

Наумовась: „А кода Чернышевскень?“

К-сь отвечай: „А Чернышевскень кода стама ломанень, кода сядя пик революционно печатлакснесь плакатт“.

Наумовась: „Ну, садитесь, хорошо“.

Кода няеви студентсь макссь

ответ йофикс аф виде и Наумовась илядсь ня ответнеи эзда довольнайста. Муворсь тья аф студентсь, а Наумовась, кода аф петьнесине аф правильной ответнеи. И вдь группаста студентне арьсхть тьяфта, кода отвечась студентсь и преподавательница мяргсь „хорошо“. Кие макссь Наумовати прават клеветничать ня великай русский мыслительхне лангс?

Наумовась сонць ни аф сьопонць, што сон лама кортай автоматически.

Мзярда минь тонафнесхь „Декабристы“ темат, сон мяргсь, што Рылеевть казынендаз, а мзярда йотасхь „Публицисты начало XIX в.“ темат, Наумовась мяргсь Рылеевть судбанц сон аф содасы. Эста фкя студентсь пшкядсь, што Рылеев вдь казынендаф, и тьяда меле ни Наумовась извинилась группаса.

3-це курсонь „Е“ группаса Наумовась каникулада инголе ушедсь клеветничать советский колхознай велеть лангс. Советский велеть лангс клеветат Наумовась нолясь и 3-це курсонь „В“ группасовок.

Ня политический клеветатне колга дирекция содасы и кодамовок мерат ашезь прима.

Чарин комсомолец мартть 2-це шистонза Наумовати азозе, што СССР-нь народтне историйсон тонафнемасон колга тевсь аши калдывста сяс, мес Наумоват работасонза аш кодамовок система. Наумовась кияжиясь Чаринт лангс и жалбась дирекцияв, бта Чарин сязендсы сонь авторитетонц. Мартть 4-це шистонза Чарин и Наумова ульсь тердыфт дирекцияв, кода ульсь лифтыфт Наумоват работасонза афсатыксне и политический клеветатне. Но дирекциясь арась кодама бди комиссиякс, кода мирно решает кизефкснень.

Тьян колга содасы парткомсь (секретарьс Крюков), комсомолонь комитетсь (секретарьс Зуб-

ков), месткомонь членсь Смольч), но сембе сине занязь дирекциять позициянц. Наумоват безобразиянзон и клеветанзон лангс кивок изь шарфта мяль. Сембе успокоились.

Наумовась ушедсь Чарин комсомолец лангс тиендемс гонения. Кда мартть 14-це шистонза Чарин мольсь занятия, эста Наумовась нардзе сонь журналста и мяргсь: „Тячине шиста савомок Чарин мондине, кода студент, не существует вообще“. Мзярда Чарин кизефтсь Наумоват кяцта афшарькодеви кизефкс, Наумовась ашезь отвеча.

Дирекция старанцамок Наумоват авторитетонц колга, валхтозе Чаринт группань старостакс работасонза. Ноябрьть 17-це шистонза совещания 3-це курсонь „Д“ группаста Кузнецов студентсь отличник-комсомолец и мзярда кармась критикованда Наумоват эса, эста директорсь Куркин ялгась мяргсь: „Я думаю Наумова не такая глупая, что будет допускать такие нелепости“. Куркин арьсекшн, а ня сигналнен аф проверсине.

Мзярда ванондозь Чаринт и Наумоват тевсон, эста месткомонь председателсь Прокаев мяргсь: „Я думаю Чарин неправильно ведет себя как студент, его надо исправить“.

Наумовась мекпальден пингть вешсь, штоба Чарин извинилсь Наумоват интеле и анал прощение.

Тяста цебарьста няеви, што Наумоват, дирекция и профкомть ширде кемоста люпштаф критикась и самокритикась. А тьякса минь рабфаксон историйта тонафнихне содасазь калдывста.

Минь зняльдыта „Комсомолонь вайгаль“ редакцияти лездомс тейнек лифтемс лангс нят сембе афсатыкснень.

Сормать подписали 17 тонафнихть.

РЕДАКЦИЯТ ЭЗДА: Минь кизефнесахь МАССР-нь Наркомпрот, содасазь ли сине тья положенийта рабфакса? Редакцияти содаф, што рабфаксон партийнай, комсомольский и профессиональной организациятне мянь тячине шис нят афсатыкснень йорайхть кяшемс тонафнихне эзда.



Днепропетровский областень Мелитопольский районь „Коммунар“ колхозонь плодовой садсь кирьдеви пик парста—равжа парина ала, шуфтень коське тарадна керсефт.

СНИМКАСА: колхозницатне садовой бригадасна цебарьгафты плодовой шуфтень.

Фото сь К. ИНСАРОВОНЬ (Союзфото).

Коса решениясь?

КОМСОМОЛОНЬ
ОБКОМС РАБОТАЙ СЯДА
ИНГОЛЬЦЕКС

Лама ульсь кортаф Саранскень комсомолонь активт пуромкса и ВЛКСМ-нь обкомт пленумса ВЛКСМ-нь обкомт работниконзон, а васендакивок сонь секретаренц Иванов ялгаль калдыв руководстванц колга. Эряволь ба тьяфтама кортаматнеи эзда тиеме эрявикс выводт и полафтомс руководствань методнеи. Тьян учендозе комсомолонь активськ сяс, мяс организациять руководителенца пуромкснен эса мяштьс-нон шавсть, што тиыхть эрявикс перелом эсь руководствасост. Активонь пуромкссь и пленумсь лифтыт конкретнай кизефксонь марта решения, кода обяндакшнесы комсомолонь обкомт и Мокшэрзянь сембе комсомольский организациятнеи сяди, штоба сине сядя курок тиелез одукссь работасон, сине коряс, кода азф ВКП(б) нь ЦК-ть февральский пленумонь решениянзон эса. Тьяда башка, пленумсь мяргондсь, штоба тья решениять печатламс газетас и пачфтемс сонь эрь комсомолецт сознанияс. Но тячине шити тья решениясь аши кеместа пикстафста ВЛКСМ-нь обкомса. Тья фактть эзда можнатием тьяфтама выводт, што комсомолонь обкомсь и сонь секретаренц Иванов ялгась решениять тьяс кирьдеманд марта, аф йорасазь няфтемс активонь пуромксть и пленумт марта лихтыф афсатыксон республикань сембе комсомольский организацияти. Йотафтф критикась и самокритикась няемс изь лезда комсомолонь обкомт бюронцы. Сонь эздонза бюрончлентне, кода няеви, исть тие стама выводт, кодамот сине обещадакшнесь тиемода активонь пуромкса и пленумса.

Васькин.

Отряднай сборсь йотась пик увлательнайста

Ежкань афполнай средняй школань пионерский отрядса апрельковть 3-це шистонза ульсь йотафтф отряднай сбор. Отряднай сборсь йотась пик интереснайста и весяласта.

ВЛКСМ-нь райкомть представителец Костычкин ялгась тис пионерхненди интереснай беседа парашютонь тевт колга. Пионерхне кулхдонць пик оцю мялса.

Мзярда Костычкин ялгась аделазе эсь беседанц, пионерхне пшкядьсть: Кда коль эрялхть тьяфтама сборхт.

Каргин.

Ковылкинань р-н.

Аноклайхть кизонь физкультурнай сезонт

Саранскень Мокшэрзянь педагогический училищань физкультурнай отделениянь студентне вишкста аноклайхть кизонь физкультурнай сезонт.

Физкультурнай командатне эрь шиня налксихть футболса и занимайхть гимнастикаса.

Физкультурнай отделенияса пуроптфт 2 футбольнай командат и 2 волейбольнай командат. Тьяда башка пуроптфт физкультурнай командат омбоце и колмоце курсонь студентнеи эзда.

С.

СТАЛИНСКАЯ КОНСТИТУЦИЯ И СОВЕТСКИЙ ОД ЛОМАНЬТНЕ *)

А. Косарев

Тяфта ульсь максф армияв знаменитый украинский поэтсь Тарас Шевченко, конанц оцзоронь армиясь буквально каленчендазе. Эсь дневниксонза Шевченкось сьормадсь:

„Кда ба мон улелень изверг, кровопийца, то и эстонга мондейне сядя удачной казне-ндама ашель кода ба дума-ндамс, кода панемсмонь ичке-здень Оренбургский корпусу“.

Солдаттень стреминдасть изолировать, перямс синь внешний мирть эзда. Синь всякай ладса натравливали революционерхень лагс, офицерствать и понинь марта васькафтф и забитай, солдаттне аф весть выступандакшность революционной массатень каршес. Тяфта ульсь ляцендф мирнай демонстрациясь январьт 9-це шистонза 1905 кизоня Петербурга, ульсь подавленной декабрьский восстаниясь 1905 кизоня Москуса. Солдаттне ляцендсть рабочайхень лагс Ленский приискатень эса 1912 кизоня. „Казарма“ подпольнай газетась пачфнесь куля, што анычек кафта неделянь пингста, 1905 кизонь декабрьт 10-це шистонза савомок 24-це шинц самс восстаниясь подавлениясь пингстонза войскактень марта ульсь шавф ошнень и велетнень эса 5 тьожаньда лама ломань.

Естественно, што народти сонць „солдат“ валсь ульсь гнетонь символкс. Аф стак сиренароднай пословицатне корхность солдаттень колга тяфта:

„Солдат близко, кланяйся низко“.

„Солдат, что волк: где что попало, там и рвет“.

Но тьяка жа пингть народнай пословицатне отражают сочувствие солдаттэ стака долянтцы.

„Солдат шилом бредется, дымом греется“.

„Служивый, что муха: где щель, там и постель, где забор, там и двор“.

„Сыт крупницей, пьян водичей“.

И кода жа народсь мог кельгемс и уважать оцзоронь армиять, мзярда сон ащесь оцю виикс царизмать кядьса трудяй массатень угнетенияснон и подавленияснон инкса? Всякай сознательнай, передовой ломанць мог желать анычек фкя—рузонь оцзоронь армиять мирнай пингста расшатываниянц, лафчемомапц, империалистический войнать пингста сонь поражениянц. Тяфтама ульсь большевикень партиять политика, кода расчитаннай империалистический войнать гражданский войнакс шарфтомапцы.

Офицерхне вантфнезь (оберегали) солдаттень народть марта общениять эзда, но кода синь ашесь старандакшне шарфтомс солдатт немой и послушной орудиякс капиталистический государствати,—большевистский работась армияса саворне подтачивала оцзоронь самодержавиять тя оплотонц. 1905 кизоня ни тиевсть крупнай события, конат няфтезь, што оцзоронь правительствась неможет сядя тов надьямс армиять лагс. Тя—восстаниясь „Князь Потемкин-Таврический“ броненосца, восстаниясь Кронштадтса.

Оцзоронь правительствась жестокайста расправилось „Потемкинть“ и „Память Азовать“ эса восстаниягнень марта, но тя расправати ащезь лоткафтов армиять революционизированиянц.

1917 кизонь революциять пингста солдаттне выступили народть ширеса и отказасть арелякшнем-донза оцзоронь строить. Рабочайхне и крестьянтне, конат шафт солдатский шинельса, выступили народть ширеса царизмать каршес. Разрухань стака кизотнень пингста пуропневсь од армия, пролетариатонь армия, народть армияц, кодац васенчеда историяса содасы, кинь марта тюри и мезенкса сон тюри.

Якстерь Армиянь вачеда и холодной боецне, конат воодушевленнойхть коммунизмань великай идеянтень марта сражались белогвардейцень и интервентонь полчищатнень каршес, конатне превосходили Якстерь Армиянь боецнень военной опыте и вооружения: коря и жестокай кровавай схваткаса сяськендезь белогвардейцень и интервентонь полчищатнень.

Минь Якстерь Армиянке, великай свободолобивай народть армияц, служай социализмань странать оборонать теветцы. Сон арелякшнесь СССР-нь рабочайхень и крестьянтнень мирнай трудснон. Минь промышленностенеке макссь теенза первокласснай, мирса инь цебярь вооружение и снабжение. Якстерь Армиянь боецне и командирхне упорнайста тонафнихть военной искусствати, тонакшнесазь военной техникать. Синь эряйхть сяка жа интереснай творческий эряфса, кода и СССР-нь сембе илядыкс гражданти Якстерь Армиясь—тя эряфонь прекраснай школа. Лама од ломаньт тушендыхть армияв сьормас кржа содайкс, отсталайкс, а мрдсхть грамотнайста, передовойста, дельнай работникекс.

Морафтан сьормадфкс фкя од боецень дневникстонза:

„Кой-коста мон арьсекшнян, што вов курок мон демобилизуюсь. Ужаль аярдомс армиять эзда, казармать эзда, цьоратнень эзда, конатнень марта тонадонь. Ня минутатнень пингста мон тиендян итогт, стамкан ли мон ломаньць, кодама мон улень армияда инголе, али лиякс арань?“

Отвечакшнян мон эстейне тяфта:

— Да. Василий Андреич, тон сякат, но аф йофсикс сякат. Ляфтам, кельгема Василий Андреич, кодама расхлябаннайкс тон улеть сяда инголе? Ляфтамсак, кода тон ашить сода, мезе стамсь дисциплинась? Якстерь Армиясь тиензе тонь подобранныйкс, подтянутыйкс, тон, Василий Андреич, арать выдержаннайкс, тактичнейкс, вежливайкс... А тьяка йотков тон лама кармать содама. Кепетксонди, мезе стамсь Якстерь Армиянь боецсь и мезе стамсь театраль. Вдь виде жа, тон цебярьста знакомондать современнай военной искусствати марта, но и Москувонь театратнень эса пцтай фкявок крупнай и интереснай постановка станя жа ашеть нолда?... А кинось! Мзярда нинга тон тяфта регулярнайста, пцтай эрь выходной шиня яксеть киноф?... А симфонический концертне? Вов тон кортат, што кельгсак Чайковскийть и Вагнерть, а инголе тон нльне ашить содсе, мезе значат ня лемтне! Тяфта вов, Василий Андреич... Но ули фкя „но“. Тон, кажется, арьсеть армияда меле тумс тонафнема Менделевть институтс. Аф тяфта ли,

дорогой? Мес же тон тяти ашеть заниманда аф ламняда? Ну, да тейть шьорясь Фавальть... книгац „Джон Демонць“ овладел тонь мартот... Эх, Вася, ванттак, штоба сядя меле афоль лисе „конфуза...“ (2).

Сравните тя записьт сядя вьре пачатлаф „За крестами“ книгаста отрывкать марта. Якстерь Армиянь боецсь эряй осмысленнай эряфса, сонь тонафнемац полнокровнай, интереснай, эрь шись кини теенза од знания: Специальная военнай тонафнемаць тяфта жа исключительно интереснай и разнообразнай. Эрь якстерьармеецсь получандакшни общеобразовательнай и политический содама шит, тонафнесы стрелковой тевть, тактика, топография, знакомондакшни совершеннейшей боевой техникать, танкатнень, самолеттнень, броне-автомобильхень марта и синь тактический свойстваснон, артиллериять, мостовой и переправочнай тевть, связьт марта. Боецть эзда вешеве оружиянь сембе родтнень содамасна, конатнень марта марса теенза сави действовандамс. Сон совершенстваса должен маштомс владеть эсь оружием марта. Кодама необятнай паксы инициативанди и изобретательстванди панчсви эрь боецть и командирть инголи! И эрьви азом, што рационализаторско-изобретательский движениясь пяк вишкста развитай армияса, и тьожаньт якстерьармеецтэсь рационализаторский предложенияснон и изобретенияснон марта апаклогксек совершенствують боевой техникать и тонафнемаць организовадондаманц.

Оцзоронь армиянь офицерхне всякай ладса преследовали солдатт, кодац морафнесь книжкат, газетат. Якстерь Армиясь, меке-лангт, мьяргонди эрь якстерьармеецти апаксизек работамс соньцень культурнай уровеньень кепедеманц лагса.

Вов книгаць аф оцю ламода аф полный перечень, конатнень обязательно должен лувомс эрь якстерьармеецсь:

Сталин: „Вопросы ленинизма“. История ВКП(б). Политучебник красноармейца. **Пушкин:** „Борис Годунов“, „Сказка о попе и работнике его Балде; **Гоголь:** „Ревизор“, „Мертвые души“. „Повесть о том, как поссорился Иван Иванович с Иваном Никифоровичем; **Толстой:** „Казаки“, „Хаджи Мурат; **Некрасов:** „Кому на Руси жить хорошо; **Салтыков Щедрин:** „Господа Головлевы“, „Повесть о том, как мужик двух генералов прокормил; **М. Горький:** „Песнь о Буревестнике“, „Мать“, „Мои университеты; **Новиков Прибой:** „Цусима“, **Демьян Бедный:** „Обманутые братья“, „Совет часового“, „Честь красноармейца“, „Проводы“, „Два билета“, **Фурманов:** „Чапаев“, **Серафимович:** „Железный поток“, **Фадеев:** „Разгром“, **Шолохов:** „Тихий Дон“, „Поднятая целина“.

СССР-нь сембе граждантинь марта ровнайста якстерьармеецне примсхть участие активнай общественной эряфса. Сядонга пяк, лама якстерьармеецтэ участвовандахть нльне государственствать марта управленияса, ащемонок членкс

ССР-нь Союзонь ЦИК-са и РСФСР-нь ВЦИК-са. Вов нят ломаньтне:

Акимов В. С.—танкань водитель, **Бурганов Фаиз Акимович**—якстерьармеец, **Гайдуков Н. В.**—учебнай ротань курсант, **Куропяткин Г. П.**—„Парижская коммуна“ линкорса младшай командир, **Левашев М. Е.**—краснофлотец, **Патана Т. А.**—якстерьармеец, моторист, **Рябинин А. П.**—краснофлотец Дальневосточнай Флотса, **Чумак К. П.**—Балтфлотонь электрик, **Шербак В. Я.**—старшай мехводитель, **Андреев П. Д.**—танкист, **Князев Ф. М.**—№-ский авиочастень моторист, **Серебряков Д. И.**—якстерьармеец, **Тимошенко Д. Г.**—танкань водитель, **Михайлов Е. В.**—младшай командир, **Фролов Е. А.**—младшай командир, **Яшин К. И.**—младшай командир.

И тя вдь якстерьармеецнень—правительствань члентнень анычек аф оцю пилькссна! Украинский, белорусский, узбекистанский, туркменский, таджикский, азербайджанский, грузинский, армянский правительстватнень эса аф кржа якстерьармеецта. Якстерьармеецне участвовандахть ошнень советтнень кюксемасост, с'ездтнень эса, синь представительство сусихть районнай и областной исполкомт-нени и ст. тов.

Коса, миронь кодама странаса, коса, кодама армияса, миньнеда башка, возможнай „нижний чинт“, „солдагт“ странать лагса управлениясь тяфтама равноправнай, активнай участиясь?

Да и, эряви азомс, миньценон сонць валсь „солдат“, „нижний чинт“ тьяни аф употребляндакшневи.

Сядот рядовой якстерьармеецт и краснофлотецт казффт Советский Союзонь орденса. Тянь шовор казнят получасть аф анычек ся боец-пограничникне конат геройкс отразили японо-манчжурский бандактнень врьятнемаснон, но и нятка, конат упорнай, героический работаса безукоризненнайста тонадозь теест максф боевой техникать.

Тяфтама минь Якстерь Армиянь кя. Тяфтамо минь Якстерь Армиянькень—мирса инь вию армиять—героический ломаненза.

Минь армияньконь виец ащи сонь боецонзон и командиронзон пяк оцю сознательностьснон эса. Эрь боецсь содасы, што сон арелякшнесы великай народть павазонц, сембе человечествать павазонц. Минь армияньконь виец сянь эса, што сон тердьф соньцень согражданонзон мирнай трудснон ареляма. Минь армияньконь виец сянь эса, што сонь возглавляет великай Сталинть боевой соратниконц, русский народть героический цьорац, славнай полководецсь, Советский Союзонь васеньце маршалсь Климент Ефремович Ворошиловсь, копань эряфонь кич ацаф рабочей классьт великай тевонц инкса легендарнай и победоноснай бойх-нень порахснон качамса.

Минь армияньке анок грудью арелямс эсь отечестванц. Буржуазнай общества ашель и аш тьяшкава фальшивай и шавя вал, кода „отечество“ валсь. И анычек великай социалистический революциять вельде тя валсь получае минь странаконок соньцень видекоксн смысланц. Пролетарийт ашель соньцень отечествац. Вооруженнай восстаниять вельдэ-савомок вла-стьт эсь кядезонза и арамок

(Пец 4-це страницаса).

*) Поладкс. Ушедксонц ванк „Комсомо-лонь вайгяль“ 23, 24, 26, 27, 28, 29, 34 и 35, 37-це №№-нон эса.

СТАЛИНСКАЯ КОНСТИТУЦИЯ И СОВЕТСКАЯ ОД ЛОМАНЬТНЕ

(А. КОСАРЕВ ЯЛГАТЬ РЕЧЕНЦ ПЕЦ).

азоркс эсь странасонза, сон добу-
вась отечества.

Советский модать эрь ваксоц
валф миньдедонк сире поколе-
ния верса, конат сражались мир-
са единственной, трудящиеся оте-
чествасон инкса. Вов мезенкса
отечествовать арелямац, граница-
нень неприкосновенностьсн ванф-
томасна ащи тейнек священной
обязанностекс. И кда врагс смен-
дай врыгьемс, минь йондолкс
вишкста кармафтсакс сонь оборо-
нись соньцень собственной тер-
риториянц лангса.

Ня условитнень эса мужество
улеза присущай минь странасонк
эрь юности, эрь стирняти. Му-
жество воспитандакшневи стая
жа, кода и характеронь фсякай
ля качества, и тейнек эриви
неустанна вооружандакшнемс сонь
мартоиза эсь од ломаненькен.

Минь од ломаненьке воспита-
ндакшнес эсь пярц бесстрашия.
Минь од ломаненьке добувакши-
хть эстие пярц цебарь волевой
качества. Минь од ломаненьке
пярц оцю мяльса молихть армияв
и пярц обжафокс лувонца эсь
приснон нят, конат кодама-кодама
туфталонь сюнеда аф примосеви-
хть сонь рядонзонды. Но нльне
Якстерь Армия аф рядонзонзон-
на минь од ломаненьке аноклакш-
гихть эсь долгсон пашкодемани-
цы, эсь важнейшей обязанность-
сон пашкодеманицы, конат сюр-
мадфт Конституция 132-це и
133-це статьязон эса. Кемень
тьожаньт, од рабочайхть и колхоз-
никт тонафнихть летнай тевти
аэроклубтнень эса, комотнихть па-
рашютса, тонафнихть танкатнень
вятнема ляцендихть, пулеметста
тонафнесазь тактикахть, топогра-
фияхть, военно-санитарнай тевть.
Улемс воинкс Рабоче-Крестьянскый
Якстерь Армияса—тя СССР-нь эрь
гражданинть видеконь почетнай
обязанностекс, и минь странасонк
эрь од ломаньти эриви нинге
РККА-нь рядтненьди молемода ин-
голе анокламс эсь приснонтя обя-
занность пашкодеманицы.

Арелякшнемс минь родинань-
кен эриви аф анычек доблестнай
Якстерь Армия рядонзон эса. Од
ломаньти эриви мяляфтомс, што
рабоцаень и крестьянонь един-

ственной социалистический госу-
дарствась кружаф теенза враждеб-
най капиталистический мирса, што
тоста минь странасонк сидеста
таргсевичть шпионажень, терро-
ронь, диверсиянь, вредительствань
скоретне и што нинге аф сембе
троцкистско-зиновьевский гадина-
не—фашистский убийцатне, шпион-
тне и диверсантне таргсефт эсь
пизостост и шавонфт.

Родинахть врагонзонды пярц оцю,
видексонь бдительностьсь должна
суссемс СССР-нь од гражданинть
сембе существованц.

Кода славнай пограничникне,
конат ашихть дозорса, зоркайста
ванонцазь теест довереннай совет-
ский рубежень эрь вершокть, ста-
ня и комсомолецти, минь страна-
сонк од ломаньти эриви вникать
сонь перьфканза ащи обстановка-
ти, содамс сонь перьфканза ащи
ломаньтнень.

Социалистический строитель-
ствань эрь, кадк хоть сембеда
скромнай, но тейнек довереннай
участкь лангса тейнек эриви
мяляфтомс отечествовать арелямаса
миньцень священной долгонькен
колга.

Минь могучай странаньке, минь
аф сяскови Якстерь Армиянкая
ащи сембе масторлангса миронь
тевонь оплоткс. Советский Союзть
соньцень существованця кемек-
снесь сембе угнетеннай челове-
чествать уверенностенц эсь освоб-
ждениянцы и миронь сембе стра-
натнень эса кепсесыне передовой
ломаньтнень мяльсон тюремат.

Вов мес советский народсь, минь
од ломаненьке тышкава кельгсазь
синьцен славнай Якстерь Армия-
сон. Вов мес сембе минь—минь
социалистический родинанькен
патриотонза—аноктама максомс се-
бем вийсон минь старананькен
оборонанц кемекстаманцы и гру-
дьюарамс сонь арелямонза.

Минь обязанностеньке—ареляк-
шнемс большевистский партияхть,
конань руководстванц ала минь
сяськоньтнень.

Минь первойшей обязанностень-
ке—арелямс, ванфтомс сембе ми-
ронь угнетеннайхнен великай ру-
ководительсон Сталин ялгать,
конац обеспечендазе социализмать
окончательнай победанц.



Тяниень пингть эзда США са лувондови аф 150 тьожаньда кржа бастую-
цайхть. Детройдса важнейшей автомобильнай заводтнень эса бастовандайхть 90
тьожаньшка ломань. Чикагоса 60 разнай предприятиява бастовандайхть 20 тьо-
жаньт рабочайхть. Филадельфия районса 23 забастовкатнень эса примасть участия
аф 16 тьожаньда кржа ломань.

Снимкаса: Рединг ошса (Пенсильвания штат) Ноульд Хорст Милло тек-
стильнай фабрикаса рабочайхне бастовандайхть заводонь помещенияс, штоба аф
полдамс штрейкбрехерхнен.

ВЛКСМ-нь Рыбкинань райкомть мяльс

„Валда—Ян“ колхозонь комсо-
мольский организацияс пярц лаф-
чста ладяф воспитательнай рабо-
тась. Тячить самс комсомолецне
ашезь моралфе Сталинский Кон-
ституция и Конституциянь про-
ектт колга Сталин ялгать докла-
донц. Фкявок комсомолец аф мо-
рафни газетат.

Мекольдень пингть лафчемс
сембе комсомольский работась.
Дисциплина комсомолецнень йот-
кса аш. Членский взност комсо-
молецне аф панихть 5 и 6 ко-
вонь йотамс. Комсомолецне аф
сашендыхть марстонь пуромкс-
ненди и аф якайхть политзаня-
тияс.

Сембе нят оцю афсатыксне апа-
к машфтт сяс, мес комсомолецнень
йоткса аш критика и самокрити-
ка.

ВЛКСМ-нь комитетсь колма
ковонь йотамс ашезь кулхонда
фкявок комсомолецнень самоот-
чет. Тяста няеви, што ВЛКСМ-нь
комитетсь и сонь секретарец Ке-
чина ялгась аф шарфни оцю мяль
комсомольский работать цебарь-
ста ладямансты.

Комсомольский организациясь
йотси юктазень афсоюзнай одло-
маньтнень. Синь йотксост аф вя-
теви кодамовок воспитательнай
работа.

Надиятама ВЛКСМ-нь райкомть
лангс, што сон максь практиче-
ский лезкс комсомольский рабо-
тать ладямансты.

Е.

Рыбкинань р-н, Малав веле.

ЮКСТАФ КОМСОМОЛЕЦТ

Рузавкань кондукторский ре-
зервса лувондови 48 комсомолецт,
и ня комсомолецнень йоткса аф
вятеви кодамовок воспитательнай
работа.

Комсоргс М. Козлов ялгась
юктазе эсь тевонц. ВЛКСМ-нь
райкомс аф шарфни кодамовок
мяль комсомольский организацияхть
шири, хотя и организациясь ащи
райкомть маласа.

Тянь сюнеда комсомолецне юк-
снесазь уставть положениязон.
П. Макеевсь, Я. Корасевсь, К.
Чурбановсь, И. Архиповсь и ли-
ят аф якайхть комсомольский пу-
ромкс, юктазь политгонафне-
маткья.

З. Рускин.

Шайговань р-н

Од тракторист

Самодуровка велеса Шубриковть
лемса колхозса тячить самсашель
фкявок тракторист. Тянь тонадсь
трактористокс Алексей Капру-
нинь и работай миньцен колхоз-

сонк.
Капрунинь работакшнесь бри-
гадиркс. А тяни сон кармай рабо-
тама трактор лангса. Аношкин.
Ковылинань р-н.



Барселонаса военнай тевс анокламань школа

Барселонать перьфка панжевсь васень лагерь—школа, кода кармайхть тонаф-
нема военнай тевс сят гражданинне, конат тердфть военнай службас, но конат апа-
к правжакт воинский частьс.

СНИМКАСА: пулеметчикне ляцендихть синь лангзост моли „атакать“ лангс
(курсантнень упражнениастот).

(СОЮЗФОТО).

Ответ. редакторсь С. С. ЛАРИОНОВ.

Саранск типография „Красный Октябрь“ Мордгиза